

جریدہ علیہ

مشيخت جليله اسلاميه نك جريدہ رسميه بيدر

ذی القعدہ سنہ ۱۳۴۰

عدد ۷۷، ۷۶

شمديلك آيدہ بر نشر اولنور

برنجی سنہ

ارمنی ملتندن اولان پدر ووالده سنك وفاتند نصكره بيكس قالان زید هند مسلمه نك
زودنده اهتدا ودين اسلامى قبول ايدوب اولوجهله تذكره عثمانیه سنی دخی آلدقد نصكره
یگرى یاشنده رشیده بولنان برمسلمه ایله تزوجه قادر اولوب اوله میه جغه دائر واقع اولان
استفتایه جوابدر .

§ مآله نظرآ زید مهتدی مسلم اولمغله زینب مسلمه بی تزوجه مانع شرعى بولمادیغی
تقدیرده رضاء طرفینله وجه شرعى اوزره تزوج ایتمی جائز اولور اولاباده
۲۳ جمادی الآخر ۳۴۰

* * *

عطا امضالی ۷ شوال سنه ۳۴۰ تاریخنده فتواخانه یه بالوروده رمضان شریفك اوتوزنجی
كونی اوكله دن صكره هلال شوالی کوروبده بایرام ظنیله افطار ایدنلره شرعانه لازم كله جكنه
دائر واقع اولان استفتایه جوابدر .
§ مآله نظرا بوجه محرر افطار ایدنلره یالکیز قضا لازم کلیر .

۱۰ شوال ۳۴۰



« مقررات نقضیه »

برهانیه قاضیلکینك ۱۳ رمضان ۳۳۸ تاریخی اعلامنك اسباب نقضیه سی
اعلام مذکوره دعوی وشهادتده ملتقانك باباسنك اسمنك ذکرینه ومدعی علیهما
عن بورتانك ذاتلری حین تحلیفده تعریف ایدلدیکنه تعرض اولنماقله برابر صورت یمین
دخی نقصان ایدوکندن سببی مختل اولمغین بو صورتده خصوص مذکورك ینه محکمه
مذکورهده اعاده محاکمه سی ضمننده محله اعاده سی اقتضا ایدر .

* * *

بالیکسری قاضیلکینك ۶ شعبان ۳۳۸ تاریخی اعلامنك اسباب نقضیه سی
اعلام مذکوره مدعی مدیر مومی الیهك خصوصتی رأی اولندیغنه تعرض اولمادیغی
کبی حادثهده مبلغ مدعا بهك قرض ویا امانت اولدیغی ومزبور خواجه سلیمان افندینك

وصی اولوب اولمادینی تدقیق ایدلد کدنصکره ایجاب شرعیسی وجهله معامله ایفاسی مقتضی اولدیغندن شایان قبول اولماغین بوصولده خصوص مذکورکینه محکمۀ مذکورده اعاده محاکمہسی ضمننده محله اعادهسی اقتضا ایدر .

* *

قلعۀ سلطانیہ قاضیلکنک ۱۰ شعبان ۳۳۸ تاریخلی اعلامنک اسباب نقضیهسی اعلام مذکورده مزبورہنک طلاق منقوض حجتده کی اقرار تاریخندن معتبر اوله جفی نظر دقتہ آلهرق عدتی منقضیه اولوب اولمادینی حقنده تدقیقات اجراسیلہ تبین ایدہ جک حاله گوره معامله ایفاسی مقتضی اولدینی کی مزبورہنک یمین ردی اصولنده اجرا ایدلماش اولدیغندن وجهت سائرہدن سبکی نقصان و خللادن غیر خالی اولمغین بوصولده خصوص مذکورکینه محکمۀ مذکورده اعاده محاکمہسی ضمننده محله اعادهسی اقتضا ایدر .

* *

باندرمہ قاضیلکنک غره ربیع الاخر ۳۳۸ تاریخلی اعلامنک اسباب نقضیهسی اعلام مذکورده اثنای وقفده متوفای مزبورک مرضی مشتد وحالی متغیر اولدیغنه ووقفیۀ مذکورده متوفای مزبورک توکیل واجازتی اولمیهرق مزبورمصطفی افندی طرفندن فضولاً تنظیم ایتدیرلمش بولدیغنه دائر مدعی علیہلرک افادہ لرینک تدقیق واولبابده اقامہ ایدہ جککری تواتر بینہنک استماعیلہ اقتضاسنه گوره معامله ایفاسی ایجاب ایدہ جکی جهتله شایان قبول اولمادینی کی جالب نظر دقت بولدیغندن وقفیۀ مذکورہنک اساس ضبطنک دخی کمال اعتنا ایلہ بالتدقیق تزویر وتصنیعدن سالم اولوب اولمادیغنک تحقق ایتدیرلمسی مقتضی بولدیغندن خصوص مذکور حقنده یکیدن محاکمہ اجراسی ضمننده محکمہسنہ اعاده قلدی .

* *

مغنیسا قاضیلکنک ۳ ذی الحجه ۳۳۸ تاریخلی اعلامنک اسباب نقضیهسی اعلام مذکورده مدعی علیه وکیل مزبورک وکالتی مسجله ویا منبته اولدیغنه تعرض اولنماغله برابر بروجہ مشروح مرقوم خرستونک آرکیریدن مقدم وفاتی حقنده شهادت

مذکورہ مرتبہ کفایہدہ اولمادیغندن سبکی مختل اولمغین بو صورتده خصوص مذکورک
ینه محکمہ مذکورده اعاده محاکمہ سی ضمنده محله اعاده سی اقتضا ایدر .

* *

اردی قاضیلکنک ۲ ذی القعدہ ۳۳۸ تاریخی اعلامنک اسباب نقضیه سی

مهری مطابق ایسده حادثده مدعی بهادن مغازه و خانہ عرصه سنک ثانی مدعی
علیها مزبورہ طرفندن قزی متوفاة دیگر اغلائیہنک اموالی ایدوکی بیان اولان اشیاء
وانکار ایدلمش ومسکوت عنه براغلمش اولان اموال حقنده مدار مفقود ویمین استظهار
نقصان ویمیندن نکوله تعلیق وترید ایلہ حکم توقیی مخالف اصول اولدیغندن وجهت
سأرهدن شایان قبول اولمادیغنی

* *

قوله قاضیلکنک ۵ ربیع الاول ۳۳۸ تاریخی اعلامنک اسباب نقضیه سی

اعلام مذکورده مدعا بهادن ذخائر وبارکیر بدلی حقنده کی دعوی محتاج تصحیح
اولدیغنی کی متن وظهریة اعلامده اشیاء مذکورہنک قیمتلرندن حصه اعطا اولمسنک
وجهی غیر ظاہر بولنمش وظهریة مذکورده ایکی سنہلک اوزم محصولاتی حقنده کی
دعوی مهمل براغلمش اولدیغندن وجهت سأرهدن متناً وظهرأ سبکی مختل اولمغین
بوصورتده خصوص مذکور حقنده یکیدن محاکمہ اجراسی وطرفین موافقت ایلدکاری
تقدیرده خانہ وباغ حقنده کی دعوانک دخی برابر اوله رق بر نهج شرعی حل وفصلی
ضمنده محکمہ سنہ اعاده قلندی .

* *

ایوالق قاضیلکنک ۲۳ محرم ۳۳۹ تاریخی اعلامنک اسباب نقضیه سی

اعلام مذکورده دعوی وشهادتده ملتقانک باباسی اسمنک ذکریتہ تعرض اولمادیغنی
کی املاک مذکورہ متوفیان مزبورانک اولدیغنی ومدعی علیک وضع یندی حقنده مدار
مفقود اولدیغندن سبکی نقصان وخللدن غیر خالی اولمغین بو صورتده خصوص مذکورک
ینه محکمہ مذکورده اعاده محاکمہ سی ضمنده محله اعاده سی اقتضا ایدر .

* *

قلعه سلطانیه قاضی‌کنک ۲۱ صفر ۳۳۹ تاریخلی اعلام‌نک اسباب نقضیه‌سی

اعلام مذکورده بیعی اقرار حقنده کی شهادتک اماره قویه مستند اولدینی کوسترلمدیکی
کبی شاهدان مزبوران متوفای اولک زوجه‌سی مدعی علی‌پایه متصرف اولدینی خانه‌نک
ثانی فروخت ایلمدیکنه شهادت ایتدکیری حالده منوال محرر اوزره نصفی حقنده توقیع
حکم اصولنده اولمدیغندن و مزبوره‌نک مهر مؤجل دعواستنده مرور زمان منفهم اولمغله
استماعنک وجهی غیر ظاهر ایدوکنندن و سائردهن سبکی مختل اولمغین بو صورتده خصوص
مذکورک ینیه محکمه مذکورده اعاده محاکمه‌سی ضمننده محکمه اعاده‌سی اقتضا ایدر .

* * *

بیغادیج قاضی‌کنک ۲۳ شوال ۳۳۹ تاریخلی اعلام‌نک اسباب نقضیه‌سی

اعلام مذکورده دعوی مذکورنک تصحیحینه تعرض اولنماقوله برابر صورت
شهادت دخی اعلامه درج اولمدیغندن سبکی نقصان و خللدن غیر خالی اولمغین بو صورتده
خصوص مذکورک ینیه محکمه مذکورده اعاده محاکمه‌سی ضمننده محکمه اعاده‌سی اقتضا
ایدر .

